

سکرنجی سنه
نومبر ۱۹۳۳

تاریخ عثمانی انجمنی

۱ تشرین اول
۱۳۳۳

مجموعه سی

سنجاغمز و آی پیلدیز نقشی

حکمدار سلجوقی سلطان غیاث الدین مسعود خان ثانی طرفدن
عثمان غازی حضرتلرینه (۶۸۸) تاریخلی فرمان عالیشان ایله رتبه امارت
توجیه بیورلمشیدی . فرمان مزبور ی موصل (قره جه بالابان) علامت
امارت اولان توغ و علم ایله برالتون قیلج و سائره بیده برابر کتورمشیدی .
مذکور علمک بیاض رنگلی قوماشدن اعمال ایدلش اولسی تورکلر جه
(آق سانجاق) نامیله یاد ایدلشنی بادی اولش و بو صورت تسمیه ایلک
امارت سنجاغمرک رنگی حقنده اولسون اطلاع حاصل ایمکملکمزه وسیله
اولدینی کبی مؤرخینده اختلافدن قورتارمشدر .

عثمان بک (۶۹۹) سنه سی اعلان استقلال ایله دولت عثمانیه نک ایلک
خانی اولجه ینه (آق سانجاق) دولتک رسمی سنجاغی عد ایدلش
واحفاد جلیله لری اولان سلاطین عظام ده عین رنگلی سنجاغی لواء پادشاهی
اتخاذ بیورمشدر .

نتایج الوقوعانده : چونکه سلطان علاء الدین سلجوقیک عثمان غازی به
کوندردیکی علم بیاض اولدیفندن پادشاهان عظام حضراتی آق سانجاق
اتخاذ و وزرا و بکربکیلر دخی آکا اتباع ایدوب فقط طوائف عکریه نک

رنك آمیز بیراقلری وهر صفك نشان و علامت فارقلری واردی .
دینلمكده در [۱] .

انجمنك عثمانلی تاریخده : « كوسه میخالك اسلامیتی قبول ایلسندن طولانی بك ممنون اولان عثمان غازی کندوسنه برقاندها محبت و حرمت کوسروب اوغانی خدمته آلدی. اداره سنده کی محلك حكومتی عهده سنده ابقا ایله برسانجاق ویردی. میخال بکه سانجاق ویرلمی سلطان سلجوقینك و قیله عثمان خانه کوندرمش اولدینی سنجاغه نظیره کبی ایدی. یعنی کندیسنك حکمدار و کوسه میخالك معیتی بکترندن اولدینی کوسرر بر معامله ایدی. اوزمانك اصول سیاستجه معیندار عداولتان اشبو معامله عثمانلیق عالتمده ایلك دفعه واقع اولیوردی . » [۲] بو قیده نظراً امرادن ایلك دفعه آق سنجاق آلان عبدالله میخال بك اولدینی بك اعلا آ کلاشیلور.

حضرت خداوندكارك اورونوس بکه توجیه بیوردینی رتبه امارت فرماننده : « سزه اوج طریق ایله تعظیم و تکریم ایلك : اول بو که سکا امیر المؤمنین خطایله خطاب ایلك وایکنجی خلعت فاخره و اوجنجی طبل و علم رسول اکرم صلی الله تعالی علیه وسلم وتوغ پرفروغ کوندردم ، بیورلمقده در [۳]. بفرمانده (علم رسول اکرم) جمله سی دلالتیله سنجاغك بیاض رنگلی اولدینی آ کلاشیلور که نتایج الوقوعاتك مارالذکر روایتی تأیید ایلر [۴] . خیراه افندی تاریخده : « عباسیلر سیاه رنگی انتخاب ایتدکری مثللو سلجوقیلر دخی جنکیز یانی تقلید ایدرك بیاض رنگلی

[۱] مصطفی پاشا - نتایج الوقوعات ، ج ۱ ، ص ۱۴۴

(۱) ص ۶۰۸

[۲] تاریخ عثمانی انجمنی مجموعه سی ، جزو ۲۸ ، ص ۲۴۷

[۳] بنی ذیشان افندمرک اتخاذ بیوردقلری ایلك سنجاق لوی بیضادرکه مزاراغك اوجنه ربط ایدلش بیاض رنگلی بر بزدن عبارتدر . تاریخ عسکری عثمانی : صحیفه ۱۱۶

سنجاغی کندولرینه حصر ایشلردی ، صورتیله آق سنجاق حقده معلومات ویرمکده در [۱] .

تاریخ عسکری عثمانیده واصف مرحومدن نقلاً « ابتدا عقد اولنان لوی بیضا یرینه دولت علیه ده وزراتک یوکرک یراغی استعمال و شطفه یرینه کیر سنجاق اتخاذا اولمشدر . قیدی کورولمکده در [۲] .

عثمانلی سنجاق وایراقلرنده تاریخی بیاض رنگدن ماعدا قرمزی یشیل رنگلر پک چوق قوللانلشدر. تورکلر، کلنجک چیچکنی مرزده آچه رنگ آیلله بهارک سائر ازهاری اراسندن بالتمیز کندینی کوستردیکنک فرقه وارمشلردر. فی الحقیقه یشیل طورنجی قرمزی مور صاری لاجورد ماوی رنگلره الوان سبعة اصلیه دن یان یانه تلوین ایدیلهرک بردن بره عطف نکاه ایدیلیویرسه ایلک نظره چارپانی قرمزی رنگ اولدینی کوریلور. قزیل رنگک بوخاصه جاذبه داریدرکه عشرت افرادینک قلوبنی تسخیر ایله نظرلرنده الوان سائر اوزرینه رجحانیه حکم ایتدیرمشدر. عثمانلی خلقجه قرمزینک رنگ مختار اولدینی زیدمه محرر روایات تاریخیه ایله ثابت اولور: « عثمان غازی قرمزی چوخه دن سرپوش کیوب اوزرینه آق چاله دن مدور و بورمه صاریق صاراردی، [۳] « اورخانک دور سلطنتده روملر صرمه ایشلمه لی کلاه و ترکنلر رنگارنگ دلند ایله مزین قرمزی کچه دن معمول کلاه کیرلردی، [۴] « زمان ییلدیرم خاند کثرت عسکر موجب التباس اولمین تنويع لباس اختیار اولنوب امیرالامراء اولان تیمور طاش پاشا القاسیله کلاه

[۱] خیراه افندی تاریخی : ج ۲ ، ۸۲ هامشده

[۲] جواد پاشا - تاریخ عسکری عثمانی : ج ۱ ، ص ۱۱۸

[۳] انجمن مخصوصک عثمانلی تاریخی، ج ۱ ، ص ۶۳۵

[۴] عطا بک ترجمه سی، هامه ر تاریخی ، ج ۱ ، ص ۱۳۵

سفید مخصوص سیاه شاه و ملازمان درگاه اولوب داعیان دولت وارکان
سلطنت چا کرلرینه قزیل بورک تعیین اولندی » [۱]

بناءً علیه عثمان غازی حضرتلری آق سنجانی آلزذن مقدم حرب
بایراغی ایچون قزیل رنکی انتخاب و قبول بیورمشلردی . چونکه مشار
ایله عهدنده عساکر منظمه اولیوب افراد عشائر کندی ارزو
وخواهشلیله حربیه اشتراک ایلدکلری جهته بونلری نهولتله سنجاق
آلته جمع ایدم بیلیمکه انلرک طبعاً مجلوب اولدقلری مذکور رنکلی بایراغک
تأثیر منویسی بولندیغنی تقدیر ایلشلردی . بوندن بشقه قلیچ و اوق
قوللانیلان قدیم معرکه لرده سنجاقک غیوبتی اماره مغلوبیت اولغله
افراد متحاربه کندی رفیقلرینک حرب و ضرب ایله مشغول و میدان
وغاده ثابت قدم و پایدار اولدقلرینی عیوقه چیقاردقلری نمره های و هویدن
زیاده کندی سنجاقلرینی مرتکز کوره رک حکم ایتکده اولدقلری
حسیله اوزاقندن سحیله سیلان قزیل بایراغک بوجهته ده محسانی اولدیغنی
تقرس بیورمشلردی . هر رنکک قویو ویا آجیقلفنه کوره بک چوق
نوعلری واردر . قرمز رنکک عثمانیلرجه مرغوب و مقبول اولانی
تورکجه قزیل و فارسیدن مأخوذ آل کله سیله یاد ایدیلان چشیدیدر .

غازی مشار الیهک مجاهده لرنده مذکور رنکده سنجاق کشاده
ایلدیکی خلفائی میانده برقاچ عدد آلاشهر منسوجاتندن قرمز رنکلی
سنجاقکده ظهور ایلیمه نابتدر [۲] . ایسته قرمز رنکک سنجاق
وبایراقلرده کثرتله قوللانیلسی و (لون ملی) اتخاذ ایدلسنک اصل
واساسی بودر .

[۱] تاج التواریخ — ج ۱ ، ص ۳۹

[۲] انجمن مخصوصک عثمانی تاریخی ، ج ۱ ، ص ۶۳۵ و محمد عطا بکک

ترجمه‌سی اولان - هامر تاریخی ، ج ۱ ، ص ۱۲۶

یشیل رنک کثرتله استعمالنه کلنجه :

قدیمدن برو امیر نامیله یاد ایدیلان سلاله طاهره پیغمبری سائر ناسدن فرق اولنقی اوزره باشلرینه یشیل صاریق صرارلردی . بوسورتله لون خضرا نشانه سیادت عد ایدیلوب ذوات روحانیه نك یشیل جهرل اکاسی ومظه کرام وسائر ذوات عالیہ مرقدلری یشیل رنک ایله تلوین ویا عین رنکلی چوقه لرله تستیر ایدیله کلی عثمانلیرجه ده رنک مزبورک (لون روحانی) عد ایدلسنه باعث وبادی اولمشدر . الیوم لسانمزده امیر صارقلی تعریفندن یشیل صارقلی اولدینی آ کلاشیلور .

غیراندی دیرکنه یشیل اوزرینه آی بیلدیز نقشلی سنجاق کشیده سیله لیمانه کیرن برفینه نك حجاج واپوری اولدینقی هرکس آ کلار .

صفوت بك مرحومك ۱۲۰۵ هـ سنده دو ننامز عنوانی ، مقاله سنده :
..... (علم طاشیجیان) دیدیکی قبودان پاشا سفره کیدوب طشره عسکر دو کدیکنده بونلر بیراقدارلر اولوب اسلام بایراقدارلری یشیل ، خرستیان بایراقدارلری سیاه بایراق چکرلر مش ، قیدلری کوریلور [۱] .
بوندن ا کلاشیلدینقه کوره اسلام طائفه لر ایچون (لون روحانی) یشیل اولدینقه مبنی انلره یشیل بایراقلر ، خرستیان رؤسای روحانیه سی سیاه رنکلی البسه اکتا ایتلرینه بناء ده خرستیان طائفه یه سیاه رنکلی بایراقلر ویرلشدر .

(مصور اسفار بحریه عثمانیه) ده مطور اولدینقه نظراً [۲] اوردنه باشارده یاخود خنکار کیمی سائر باشارده لردن دها مزین صورتله انشا ایدیلور مش . وزرادن برییی دو ننامنك قره عسکری سرداری تعیین بیوریلورده قبودان پاشا ایله برلکده سفره عازم اولورلر سه اوزمان بو

[۱] تاریخ عثمانی مجموعه سی ، جزؤ ۲۲ صحیفه ۱۳۷۷

[۲] مذکور کتاب ، جلد ۱ ، صحیفه ۱۷۴ و ۱۷۵

کمی به بیزدی . سفینه مذ کوره بی سفن سائره دن تفریق ایدن باشلیجه علامت خارجیه تکنه و دیزک و کورکلرینک یشله بویالی بولمنی ویشیل رنکلی سنجاق کشیده ایلمی اولوب غراندی ستوننده دخی پاشا سنجاقی بولنوردی .

هائمه تاریخنده ه نسل عثمانی قان رنکنی اتخاذا ایلدیلر . ایرانده صوفیلر طرفندن او قدر نائل احترام اولان کورک ماویسی رنکی برچوق عصرلردن بری بیزانس سراینک و کبار مأمورین دولتک دنک مختاری ایدی . عثمانیلر زمانده او قدر رغبتزلکه دوشدیکه موسویلرک پاپوش و سرپوشلرینه تخصیص قلندی ، دیبور [۱] .

هائمه بوفقره بی عثمان خان غازی بی خوزریز واساله دمه خواهشکر کورتمک مقصدیه یازمشدر . خان مشارالیه کرمزی رنکلی سنجاقی نه سیه مبنی اتخاذا ایلدیکه براز اول تفصیلات لازمه سیله برابر اشعار ایلدیشیدی . هائمه تاریخی اوقویان و کندی سنجاقلرنده ده قرمزی رنکی کورن اوروپا اقوامتمندنه سی موسیو هائمه رنک نه یاکلیش اسنادده بولندیغه البته حکم ایده جکلردر . الیوم باشمزه کیدیکمز قرمزی رنکلی سربوشمزی کوره جک و کویولرمنک مبايعه ایده جکی برقوماشک قرمزی رنکلی اولمنی ارزو ایلدکلرینی ایشیده جک اجنیلر هائمه ری تخطئه ایده جکلری شهسزدر .

صولاق زاده تاریخنک تیمورطاش پاشا حقنده ه نیجه قوانین حسنه پیدا ایدوب جله دن بری قرمزی بیراق که سپاهی اوغلانی تعیراولنور . آنک احدانی اولوب برسپاهی که وفات ایتنه تیمارینی اوغلنه مقررایتمک کیه [۲] قیدینه ایتا ایله هائمه تاریخنده عثمانی سنجاقلری رنکنک تنظیمی

[۱] عطا بک ترجمه سی - هائمه تاریخی ، ج ۱ ، ص ۲۴۲

[۲] صولاق زاده تاریخی ، ص ۳۶

سلطان مراد خان زمانده بکلبی اولان مشارالیه پاشایه عطف ایدر .
 تاج التواریخده بایراق قیدی یوقدر . صولاق زاده نك یاشادینی زمانده
 سپاهیلره قرمزیه بایراقده دینور ایمش . بواقاده دن قرمزیه بایراغك
 سلطان مراد خان زمانده انخاذا ایدلیدی آ کلاشلمز . حالبوکه هامهر
 سپاه بلوکنک تشکلی اورخان غازی عهدنده کوستر . سلطان مراد
 خان زمانده ایسه « اردو تشکیلاتی اصلاح و سپاهیلرک تیمار اصولی
 و برنوع نقلیه عسکری اولان و ویناقلر تأسیسی حال مکملیه ایصال
 ایدلیدی . عسکری مالکانه لرك تیمار و زعامته تقسیم بعضی قواعدده ربطه
 اولدینی قبول ایدرکه طوغریدر . [۱] بوحالده سپاهلرده ، انلرک قرمزیه
 بایراغیده اورخان غازی زمانده احداث ایدلیدی ثابت اولور . هامهرک
 بوخطاسی مورخین متأخره یه ده سرائتله الیوم کشیده ایدیلان قرمزیه
 بایراغمزک رنگی سلطان مراد خان زمانده انخاذا ایدلیدی ظنی تولید
 ایشدر . حتی بعضی مکتب ایچون یازلش تاریخ کتابلرنده « بیراغمزک
 شمیدی شکی آل زمین اوزرینه ییلدیزسز هلال اوله رق تعیین اولدی .
 صورتنده یازلشدر [۲] . قرمزیه سنجاغمز اشعاریمز وجهله عثمان غازی
 حضرتلرینک یادکاریدر .

هلال بخت کلتجه بوده خداوندکار غازی عهدندن مقدم انخاذا ایدلیدی
 آشایده اشعار ایدیله جکدر .

احمد مدحت افندی مرحوم مفصلنده « علامت ملیه من اولان شکل
 هلال علاءالدینک کوندردیکی سنجاغك دیرکی اوزرنده موضوع بولان

[۱] عطا بك ترجمه سی، هامهر ج ۱ ، ص ۲۲۴

[۲] سلیم ثابت افندی مرحومک - صبیان مکتبلرینه مخصوص (مختصر
 تاریخ عثمانی) مطبوع ، افضل الدین بکک رشدی واعدادی مکتبلرینک ایکنجی
 صنفلی ایچون ترتیب ایندیکی (کوچک عثمانی تاریخی) مطبوع - تدریبات
 عسکریه کتابلرندن ۳ نومرولی (سلاطین عثمانیه) مطبوع .

شکل مذکور ک یادکاری اولق اوزره باقی قالشدر ، دیدکدن و بعض تفصیلات ویردکدن صکره « عثمان غازی حضرتلری ایسه اک اول شکل مذکور کی کندی اوتاغ هایونلری بالاسه رکز ایتدیرمشلر ایدیکه بودخی علو شانلرینک مقتضای فوق العاده سی اولان نعمت شناسلقاری حسیله علامت استقلال دایما باشلری اوزرنده بولندیرمق کی بر غیرت شکراندن ایلرو کلش اوله جفی شبه ایدیله مز . نصلکه ده صکره لری پادشاه آل عثمان شکل هلالی مرصع اوله رق صورغوجلرینه دخی طاقشدر . » دیمکده در [۱] . بو تفصیلاتده ایلک اول شکل هلال نه زمان عثمانلی سنجاغنه یکدیکی مکوت بر اقلیور .

هامه ر شائلنامه روایتیه استناداً « عثمانک بکلک توجیهنده آلدینی تیغ و علم تأمین اولدیفته کوره خزینة هایونده محفوظدر ، دیمکده در [۲] . مکتب اعدادی عسکری شاگردانته مخصوص ممالک عثمانیه جغرافیاسنده و عثمان غازی ک تربیه سی تفصیلاتنده « مشارالیه اهدا ایدیلان طبل و علم بوراده محفوظ موقع تعظیم واحترام ایکن (۱۸۰۴) میلادینده وقوع بولان حریق کیرده تربیه ایله برابر یانوب ضایع اولش واکرچه تربیه مؤخرأ انشا ایدلش ایسه ده آثار مقدسه صره سنده بولان مذکور امانتله جیفکه احیاسی قابل اولدیفندن محو اولوب کیتشدر ، [۳] دنیلکده در .

هامه ر مذکور سنجاغک تربیه اولیوب خزینة هایونده محفوظ بولدیفنی وپاشا مرحومک یازدینی جغرافیاده تربیه ایکن حریق کیرده یاندینی بیان ایدیلیور . ظنم بودرکه مذکور روایتلرک ایکسیده طوغری دکلددر ؟

[۱] مفصل تاریخ قرون جدیده ج ۱ ، ص ۲۰۰

[۲] عطا بک ترجمه سی ، هامه ر تاریخی ، ج ۱ ، ص ۱۲۵

[۳] بویازمه جغرافیا ارکان حریه بیکباشیلرندن عارف پاشا زاده احمد بککدر . مؤخرأ میرلواتی رتبه سنده وفات ایلشدر .

اگر تربه ده بویله بر سنجاق بولنسه ایدی منابع معلوماتی وارسته ایضاح اولان هانمر تربه نك طواننده آصیلی اولوب اوجوار صییانی ییتده داواللی تربه نامنی المسه بادی اولان طبل ایله روحایتندن استعانه یه کتوریلان اطفالی تسیچدن دخی کچیرمک معادلری اولان تربه دارلرک تدارک ایلدکری ایری دانه لی بیوک تسیح کبی آق سنجاغکده اوراده موجود ییتدن خبردار اوله رق اندن دخی کمال اهمیت ایله بحث ایدم جکی درکار ایدی . حالبوکه خزینئه هایونده الیوم بویله بر سنجاق موجود اولدیغندن عثمان غازینک مذکور آق سنجاغیله مخلفاتنده ظهور ایدن قرمزى رنگلی حرب بایراقلری اورخان غازى حضرتلرینه توارث ایتیش بولنه جنى هر درلو شك وشپه دن وارسته در . والحاصل اولجه عرض و بیان ایلدیکی وجهله مذکور آق سنجاغک رنگندن بشقه بر معلومات تاریخیه موجود اولدیغنی حالده منچوقک ماچه شکنده اولدیغنی وبوسیله علامت سلطنت اتخاذا ایلدیکی حقنده احمد مدحت افندیگ در میان بیوردیغنی روایت اورخان غازى عهدنده بعض سنجاقلره هلال شکلک وضع ایدلمسندن ملهم ظیادتدن عبارتدر . مذکور سنجاغک مجموعه تصاویرده کوریلان لاله ویا سبلك شکل خارجیغنی اکدیران رسم و طرزده بولنش اولیبی حقیقه ده قریبدر . چونکه قدما سنجاقلرینک منجوقی همان بو شکله بکزه مکده در .

اورخان غازى توغ ایله آق سنجاغی یادکار سلجوقی و نشان حکمداری اوله رق محل اقامتده حفظ ایله محارباتده باباسی وبلکه دده سی کبی قرمزى سنجاق استعمال ایلشدر .

عثمان غازینک مجاهده لرند علامت امارتلی اولان آق سنجاغک برینه قرمزى بایراق چکمی اولای بیوک قطعه ده سنجاغک خفیف آقینجی سوارسیچون طاشمه سنده مشکلات اولدیغنی، ثانیاً آقینجیلرک سودکری مذکور رنگلی بایراقله حرب آلمش بولملری (براز اول قرمزى

رنكك سبب انتخابی صرہ سنده سویلنمشیدی . ثالثاً شاید بوصویہ دوشولور ویا سائر صورتله هزیمته دوچار اولنورسه اوزرنده هیچ شبهه سز آیات کریمه محرربولنان سنجاغك دشمن آیاغی التده قالمسی و نشانه امارتك قابدیریلهرق عرض حكومتك لكه لنسندن خوف ایدلمسی سبیلریله ایدی . اورخان غازی بروسه کبی برشهر مشهوری ضبط و پایتخت اتخاذ ایلدكدن صكره تثبت بیوربلان ایلک تشکیلات عسکریه صرہ سنده قدیم قرمنزی رنكلی حرب باراغنه شكل بیضیده یشیل برلوحه اوزرینه مرسوم یکدیگرندن فرقلیجه اوج هلال نقش ایشلتلمشدر . بونك سبب واحداثی لوی حربیه یالکمز رونق ویرمك کبی ظن ایدیلورسه ده اصل سببی پدري عثمان غازینك برکیجه اده بالی خانه سنده مسافر ایکن کوردیکی رؤیای صادقینی تخطر و اشاعه ایتدیرمكدر .

عموم تواریخ عثمانیه نك تصدیق و تحریر ایلدیکی مذکور رؤیایی هامهر تاریخنده زیرده کی سوزلرله حکایه یه ایتدار ایلر ، اده بالینك صدرندن بقتة برهلال ظهور ایدرک و کیتدکجه کوزله حس اولته جق درجه ده بیویوب بدر خالی بوله رق کندی صدرینه کیردی . اوندن صكره یانلرندن براغاچ چیقهرق بوده کیتدکجه بیودی .. الا آخره ، [۱] تاریخ عثمانی انجمنك نشر ایلدیکی عثمانی تاریخنده نقل رؤیایه شو سوزلرله باشلانیلیور: « اتفاقاً عالم معنی و کشور غیده کندو بصر بصیرتی ایله معاینه و مشاهده ایلدیکه صاحب خانه اولان شیخ اده بالینك مطلع بقل بی عللندن بر بدر درخشان نابان و دیده بخته نمایان و کندونك عروق بطنه حلول و در ساعت نافندن شاخ و برک ایله یر یر درخت بلند منتها پیدا و اول شجره طیبه نك شاخلری اطراف عالمه رسیده الا آخره ، [۲]

[۱] عطا بك ترجمه سی ، هامهر تاریخی - ج ۱ ، ص ۹۶

[۲] مذکور تاریخ ج ۱ ، ص ۵۷۳ - ۵۷۴


بورۇيا تفصيلاتندن صكره ينه مذكور تاريخده آده بالي عثمان بكك دوشنى كه ايشيتدى. خوش وجهله تعييرايدوب اتدى: بشارت اولسون سكا كه اول كشته زار حريم كريمك ده تخم دولت اكلكى ، بستان سراي مداركك باب كرامت مابنده چشمه سار سلطنت روان اولسر قزم مال خاتون حلاك اولوب اندن بر صاحب كال اوغلكك ظهوره كلوب جهان خان اولسر . بو وجهله اول وقابى كه اوله كركدى كشف ايدوب اول واقعه يي روشن تعييرايتدى. هم اول مجلده قزنى عثمان بكة نكاح ايتديردي كي ايضاحات ويريليور. شيخ اده باليك مذكور رؤبايه اعتماداً قزنى عثمان بكة تزويج ايلديكني بتون عشيرت اختيارلري غنىيله بيلورلردى. كندونه جهان خانلى تبشير بيوريلانده مزبور ازدواجك نمره سى بولان اورخان غازى اولديغنه اعتقاد ايدلمشيدى. هله قديم بئنيافقطه سى ياىختى اولان بروسه ايله برابر يد تسخيرلرینه كچمى كيمده رؤيانك طوغريلغنه ذره قدر اشتباه برافامشدى .

ذكر اولان سنجاغه علاوه ايديلن يشيل رنكك رؤياي صادق ه و بر برندن فرقلى اوچ هلاك علامت بشارت اولان مام تايانك آده باليدن عثمان بكة صورت گذرانته اشارت اولديغنى اختيارلر كنجلره اوكره تدكلرندن بونلرده هلال علامتلىرىك ندن طولايى حرب سنجاغه قونلديغنى بيليور. و آكلا بورلردى. بو علامتلىرى سنجاغده مشاهده ايلدكجه بشارت الهى يي تخطر ايله دائماً مظفر اوله جقلرندن امين اوله رق اعتقاد كامله ايله حربه كيد بورلردى. خان مشاراليه زمانندن ابتداء مذكور مى سنجاغز تاريخى آق سنجاغه اش عدايديله رك اخلاف جليله لرى اولان سلاطين عظامك اوكلرنده دائماً برابر كيتمشدر .

يكيچرينك تاريخ تأسيسى (۷۳۰) سنه سى اوله رق كوسترلكده در [۱].

[۱] احمد و نيق پاشانك (فذلكه تاريخ عثمانى ص ۱۱ ، جواد پاشانك تاريخ عسكرى عثمانى ، ص ۸ ، محمود شوكت پاشانك (عثمانى تمكيلات و قياف عسكريه سى) ص ۲۵ ، كاتب جليينك (تقويم التواريخ) صفحه ۹۱

بوحالده (یا یا) نامیلہ موسوم ایلک پیادہ عسکری تاریخ مزبور دن مقدم تشکیل بیورلش دیمک اولور . (۷۲۷) سنہ سی جمع و تحریر ایدیلاں یاالره ربع درهم شرعی تخصیصات یومیہ ویرلشدر . ساجوقی کوش



اورخان غازی نیک حرب سنجاقی

سکالرینه خلفا کوشلری کی درهم تعبیر ایدلیکی، حالبوکه بودرهملرک وزنی درهم عرفیدن سکزده بر نقصان یعنی بر درهم عرفی اون آلتی قیراط اولدینی حالده مذکور درهم دنیلاں کوش سکالرک وزنی اون دوت قیراط اولدینقنه مبنی تفریق وزن ایچون ربع درهم کملرینه برده شرعی کلمہ سی علاوہ ایدلشدر . بوصورتله یاالره تخصیص ایدیلاں یومیہ نک برسلچوقی درهمنک درتده بری اولدینی اکلامق لازمدر . (۷۲۹) سنہ سی ضرب ایدلمک باشلایان عثمانلی ایچہ لرینک دوت عددی بر درهم شرعی دکل بریچغندندده فضلہ اولدینی مادہ ثابتدر [۱] . تاج التواریخده « سرخ وزر و سیاہ کلاہلر کیلرلر ایدی . (خیرالشیاب الیضی) مضمونی اوزره کلاہ سیاہ سفید قلمغله وجہ دولت تیئض اولندی ، دبدیکی عسکرلر [۲] بویادہ عسکرلریدر .

(۷۳۰) تاریخندہ یکچیری وضع ایدلشدر .

[۱] غالب بک — تقوم مکوکات عثمانیہ ، ص ۸

[۲] تاج التواریخ ج ۱ ، ص ۳۹

آقینچی به معاون اوله بیله جك یاا عسکری وار ایکن نه سبب و حکمته
مبنی یکیکچرینک وضع ایدلدیکی و بویکی عسکر دن بر مقدری جمع
ایدلدیکی زمان اورخان غازی ایچلرندن بر قاجنی مستحجاً حاجی بکناش
درگاهنه کیدوب مذکور عسکر ایچون عزیزك خیر دعاسی و بر اسم ایله
سنجاق ویرمنی طلب ایدلدیکی تواریخ مفصلاً یازمقده در [۱]. فطین
وابن بطوطه نك روایتی کبی بر بلده ده تام بر آی ساکن اوله جق مرتبه ده
فعال و جوال اولان اورخان غازی ظن عاجزانه بجه درگاهده شیخرك
مریدلرینی نه صورته تحت اطاعته آلدقلرینی و نه یولده تربیه وارزولرینه
مجبور مطاوعت ایتدیردکری تدقیق و بو عسکر ك قوه مغویه سنی تقویه به
خادم بر سنجاغك نه طرزده اتخاذ ایدلمسی لازم کله چکی ده تحقیق ایدلکدن
صکره حضرت شیخك خیر دعاسی الهرق عودتله یکیکچری نظامات
داخله سنی عین درگاه مشار الیه اصول و ترتیبی اوزره وضع و تأسیس
بیوردقلمری کبی سنجاقلرینه ده نبی ذیشانمز افدمزك حضرت علی میانه
ید مبارکلیله قوشاندقلمری ایکی اوجلی ذوالفقار نام قلیچك نقشی
ایشلندیرتمشدر [۲].


مذکور سنجاق حقه ده تاریخ عسکری عثمانیده مندرج معلومات
عیناً یازلمشدر: «یکیکچری آغاسنك بندیکی حیوان طاقی کموشلی اولوب
اوکنده رتبه سنه کوره بر ویا ایکی ویا اوچ توغ کیدردی. ایام رسمیده
ویول یوریشلرنده آغاسنك ارقه سندن دوت رأس یدك آتی کتوریلور،
دها ارقه سندن اوجاق بیراغی کلور ایدی. اشبو بایراق ذوالفقار شکلنده
بر قلیچ رسمی جاوی ایدیکه شکل مخصوصی صفحه اسکالده اراشه اولنمغله
اورایه مراجعت اولنمیدر. » [۳].

[۱] عطا بك ترجمه سی — هامهر تاریخی ج ۱، ص ۱۳۹

[۲] احمد جودت پاشا — قصص انبیاء غزوه خندق، ص ۳۱۷ - ۳۱۸

[۳] مذکور تاریخ ص ۱۱۹

(عثمانی تشکیلات و قیافت عسکرہ سی) نام تاریخندہ بوسنجاغک
رنکی بروجه آتی تعریف و بیان ایدلمکده درہ و یکچیری سنجاغی (۶۴)
رقلی شکل ایله کوسترلیدی اوزره یاریسی یشیل یاریسی قرمزی رنکده
اولوب کنارلی صاری صرمه خرچلی واورتہ سندہ کذا صاری صرمه



مورخ ماسینلی به کورہ یکچیری سنجاغی


ایله ایشلمش بر ذوالفقاری حاویدر ، [۱] بالایه قویدیمز شکله ذوالفقارک
اوست طرفی قرمزی ، آلت طرفی یشیلہ ملون اولدینی بیلنمیدر .
ہامہر تاریخندہ عثمان غازی به ویریلان توغ و علم ایله قلیجدن بحث
ایتدیکی صرمہ ذوالفقارہ نقل کلام ایله و بری شرقی دیگر کی غربی
تہدید ایتکده اولان بوایکی اوجلی قلیجک رسی حکومت عثمانیہ
باشالرینک مہرلرنده استعمال اولدینی کبی قپودانہ بکک یعنی عثمانی
دوئتماسی بیوک آمیرالینک قرمزی سنجاغی اوزرنده حالا مشاہدہ
اولنقدہ در ، [۲] دنیلیدی کبی مذکور تاریخک اورخان غازی زمانندہ
یکچیری سنجاغی ایچون و یکچیریلرک قرمزی سنجاغندہ (ہلال) ایله
حضرت عمرک (علینک اولہ جق) ایکی اوجلی قلیجی ششمہ پاش اولوردی ،
صورتندہ ادارہ کلام ایدلمکده در [۳] . وکذا مذکور تاریخندہ سلطان

[۱] مذکور تاریخ - ص ۳۹

[۲] محمد عطا بک ترجمہ سی ، ہامہر تاریخی ج ۱ ، ص ۱۲۶

[۳] محمد عطا بک ترجمہ سی ، ہامہر تاریخی ج ۱ ، ص ۱۴۰

سلیان خاتک اوتنجی دفعه بالذات اداره بیوردینی سفره عزیمتلینک تفصیلاتنده: « اوج یوز مابینجی (قبوچی باشی) آت اوزرنده اردونک قسم ممتازینک یعنی قلیج و مزراق و اوزون تفنک ایله مسلح اون ایکی بیک یکچیرینک ایلریسنده کیدر و یکی جریلرک قرمنی بایراقلری بیشنده اوج نوع بولنوردی ، دنیلکده در [۱] .



هاممه نظرأ قرمنی یکچری سبغاغی


احمد مدحت افندی بو ایکی روایتی ده قبول ایتمکده، فقط هاممه رک دوز قرمنی سبغاغنده کی نقش ذوالفقارک اطرافه هلال قونلدیغنی یازمیه رق آیتلر یازلدیغنی سولمکده در [۲] .

یکچیرینک تأسیندن صکره مارالذکر یا یالر متحفظ پیاده عسکری اولق اوزره طویراق ویریلرک طاغیدیلوب انلرک برنه آتلو عسکر تحریر ایدلش، (مسلم) نامنده اولان بوسواری عکیرینک ده ضابطان و محل اجتماعلری تعیین ایدلرکدن صکره سلحدار و سپاه نامیله بری معیت، دیگرى اصل سواری اولق اوزره بلوکر تشکیل ایدیلوب مسللمه ده عین یا یالر منللو طویراق ویریلرک متحفظ سواریسی تأسیس قلنشددر .


[۱] هاممه ترجمه سی ج ، ۵ ص ۲۴۳

[۲] مفصل قرون جدیده - ج ، ص ۲۴۰ حاشیه سنده

بو عسکرلرہ نہ شکل ورنکده بایراقلر ویرلدیکی بختہ کلنجه : یا یا
عسکری ایلك متظم پیاده مزدر. ایلك عسکری سنجاق بونلرہ ویرلشدر.
مذکور سنجاغ رنگ و شکلی تمین مستحیلدر . مأمول ایدیلنی، شکله
کورلدیکی کبی قرمزی بیراق اولوب اورته سنده دائروی یئیل بر لوحه
اوزرینه صرمة ایله ایشلمش ایکی هلالدر .



ایلك متظم سواریمز اولان مسلملرک بیراقلری زیرده کی شکله
کورلدیکی اوزره یکچیری بیراغنگ عکسی اولارق نصف بالاسی یئیل،
ونصف دیگرى قرمزیدر .



سلحدارلر ایله سپاهلرک بیراقلری عین شکله اولوب ایکیشرهلالی
حاویدرلر. آنجق سلحدار بیراغنگ رنگی صاری، سپاه بایراغنگ رنگی
قرمزیدر .
(مابعدی وار)